

鹿洲全集

戊辰仲春  
重印 貳拾



女學卷五

漳浦藍鼎元玉霖編

婦容篇

○班氏曰婦容不必顏色美麗也。盥浣塵穢。服飾鮮潔。沐浴以時。身不垢辱。是謂婦容。音盥

管澆胡管切鮮平聲

右第一章承首篇婦容而立言也。以下六十一章雜引古人之言行以明之。行去聲

○內則曰婦事舅姑。如事父母。雞初鳴。咸盥漱。櫛。縱筓。總衣紳。左右佩用。衿纓綦履。以適父母舅姑之所。及所。下氣怡聲。問衣燠寒。疾痛苛癢。而敬抑搔之。出入則或先。或後。而敬扶持之。進盥。少者奉槃。長者奉水。請沃盥。盥卒。授巾。問所欲。而敬進之。柔色以溫之。父母舅姑。必嘗之。而後退。節○漱先奏切搔音騷少去聲長上聲在父母舅姑之所。有命之。應唯敬對。進退周旋。慎齊升降。出入揖遊。不敢噦噫。嚏咳。欠伸跛。

倚視不敢唾。澆寒不敢襲。癢不敢搔。不有  
敬事。不敢袒裼。不涉不蹶。褻衣衾。不見裏。父  
母唾。澆不見。節。唯上聲。齊音。齋。嚏。丁計切。咳口愛切。睇。大計切。蹶音蹶。  
見俱音更。凡婦不命適私室。不敢退。婦將有事。大  
小必請於舅姑。

右第二章。子夏問孝。孔子告以色難。  
朱子曰。謂事親之際。惟色爲難也。又  
曰。孝子之有深愛者。必有和氣。有愉  
色。有婉容。婦人之事舅姑。亦若是焉。

爾矣。苟不極意承歡。而或直情徑行。疾言戾色。雖日用三牲之養。親亦不以爲孝也。述事親之容。自此以下凡

二章。養去聲。

○昏義曰。夙興。婦沐浴以俟見。質明。贊見婦于舅姑。婦執筭。棗栗段脩。以見贊禮。婦祭脯醢。祭醴。成婦禮也。舅姑入室。婦以特豚饋。明婦順也。節。見俱音現。筭音煩。醢音海。厥明。舅姑共饗。婦以一獻之禮。奠酬。舅姑先降。自西階。婦降。

自降階。以著代也。

右第三章。

○班氏曰。婦人之得於夫。非謂佞媚苟親也。固莫若專心正色。秉禮居潔。耳無塗聽。目無邪視。出無冶容。入無廢飾。無聚會羣輩。無闕視門戶。此則謂專心正色矣。若夫動靜輕脫。視聽狹淪。入則亂髮壞形。出則窈窕作態。說所不當道。觀所不當視。此謂不能專心正色也。若夫之夫音扶

右第四章。夫婦之好。不患不親。患其過於狎也。狎而敬之。畏而愛之。所謂有別。其在斯乎。別者禮也。人之所以異於禽獸者也。專心正色。相敬如賓。斯謂之禮。若彼亂髮壞形。窈窕作態。則非莊婦可知。見者將厭薄之矣。述敬夫之容。自此以下凡八章。

○內則曰。禮始於謹。夫婦爲宮室。辨內外。男子居外。女子居內。深宮固門。闔寺守之。男不



入。女不出。男女不同。梳。不敢懸於夫之櫛。不敢藏於夫之篋笥。不敢共溲浴。夫不在。斂枕篋。簞席。櫛器而藏之。少事長。賤事貴。咸如之。  
櫛音移。櫛音架。縣音懸。櫛音輝。溲音逼。獨音獨。少去聲。長上聲。

右第五章。

○書大傳曰。后夫人將侍君。前息燭。後舉燭。至于房中。釋朝服。襲燕服。然後入御于君。雞鳴。太師奏雞鳴于階下。夫人鳴佩玉于房中。告去也。然後應門擊柝告闕。少師奏質明于

階下。然後夫人入庭立。君出朝。傳去聲朝俱音潮少去聲

右第六章。

○古者后夫人必有女史彤管之法。后妃羣妾以禮御於君所。女史書其環而進退之。生子月辰。則以金環退之。當御者著于左手。既御著于右手。左手陽也。以當就男。右手陰也。御而復故。著俱音著

右第七章。

○禮曰。壻親御授綬。親之也。敬而親之。先王

之所以得天下也。出乎大門而先。男帥女。女從男。夫婦之義。由此始也。節。帥入聲。音率。共牢而食。同尊卑也。故婦人無爵。從夫之爵。坐以夫之齒。

右第八章。

○白季使過冀。見冀缺耨。其妻饁之。敬相待如賓。與之歸。言之文公。曰。敬。德之聚也。能敬必有德。德以治民。君請用之。臣聞出門如賓。承事如祭。仁之則也。文公以爲下軍大夫。臣曰。

九切使  
去聲

右第九章

○梁鴻適吳。依臯伯通。居廡下。爲人賃舂。鴻妻孟光進食。舉案齊眉。伯通異之。曰。彼傭能使其妻敬之如此。非凡人也。乃舍之于家。以

賓禮待之。

爲去聲  
賃音任

右第十章

○五代裴從簡。聞許州富人。有玉帶。欲之而不可得。遣二卒。夜入其家。殺而取之。二卒夜

踰垣入見其夫婦相待如賓。二卒感歎曰。吾  
今欲奪其寶而害斯人。吾必不免。因躍出而  
告之。使其速以帶獻。長音

右第十一章。

○易曰。家人嗃嗃。悔厲吉。婦子嘻嘻。終吝。象

曰。家人嗃嗃。未失也。婦子嘻嘻。失家節也。嗃

各切  
音塞

右第十二章。婦人起居。必有禮法。視

聽言動之間。無所苟而已矣。寧為拘

謹。勿爲放誕。寧過矜莊。勿爲嬉笑。靜  
處深閨。養成令淑。無崇好佚遊。無出  
入寺觀。無矜尚紛華。冶容麗飾。嘻嘻  
終吝之戒。吾知免夫。述起居之容。自  
此以下。二十有一章。已音以好去聲  
觀去聲夫音扶

○太公曰。婦人之禮。語必柔細。行必緩步。止  
則斂容。動則跣跂。耳無餘聽。目無餘視。出無  
諂容。詳音祥跂  
林呂切

右第十三章。

○孟子曰。西子蒙不潔。則人皆掩鼻而過之。雖有惡人。齊戒沐浴。則可以祀土帝。齊音齋

右第十四章

○曲禮曰。毋側聽。毋噉應。毋淫視。毋怠荒。遊毋倨。立毋跛。坐毋箕。寢毋伏。斂髮。毋髢。冠毋免。勞毋袒。暑毋褰裳。節○毋俱音無噉音叫髢音替玉藻曰。足容重。手容恭。目容端。口容止。聲容靜。頭容直。氣容肅。立容德。色容莊。

右第十五章

○內則曰。男不言內。女不言外。非祭非喪。不相授器。其相授。則女受以篚。其無篚。則皆坐。奠之。而後取之。

右第十六章。

○內則曰。女子出門。必擁蔽其面。夜行以燭。無燭卽止。節道路。男子由右。女子由左。

右第十七章。

○孔子曰。以之居處有禮。故長幼辨也。以之閨門之內有禮。故三族和也。節○長申繻曰。

上聲

申繻曰



男有室。女有家。無相瀆也。謂之有禮。易此必

敗。篇音

右第十八章

○荀爽女誡曰。七歲之男。王母不抱。七歲之  
女。王父不持。親非父母。不與同車。親非兄弟。  
不與同筵。

右第十九章

○詩曰。士之耽兮。猶可說也。女之耽兮。不可  
說也。

右第二十章。

○許氏曰。女婦日守閨闈。躬督紡織。至老勿踰中門。下及侍女。亦同約束。如有恣性越禮。遊山玩湖。賽神燒香。出頭露面。卽非士族家法。子孫必泣諫之。丈夫必痛遏之。

右第二十一章。

○顏氏家訓曰。江東婦女。畧無交遊。其婚姻之家。或數十年間未相識者。惟以信命贈遺。致殷勤焉。鄰下風俗。專以婦持門戶。爭訟曲

直造請逢迎代子求官。爲夫訴屈。此乃恒代

之遺風乎。

造音慥  
爲去聲

右第二十二章

○公父文伯之母。季康子之從祖叔母也。康子往焉。闔門而與之言。皆不踰闔。仲尼聞之。

以爲別於男女之禮。

父上聲從去  
聲闔音委

右第二十三章

○齊孝公夫人孟姬。從公遊于瑯琊。馬奔車碎。公使駟馬立車載之。姬使御者舒帷以自

障蔽而使傅母應曰。妾聞妃后踰闕必乘安車。輜駟下堂必從保傅。進退則鳴環珮。內飾且結組綢繆。野處則帷裳擁蔽。所以正心意。自斂制也。今立車無駟。非所敢受命也。野處無衛。非所敢久居也。二者失禮多矣。夫無禮而生。不若早死。使者馳以告。公更取安車。然後乘而歸。輜音淄。駟音烹。使者之使去聲。夫無之夫音扶。

右第二十四章

○鄭瞽者。楚成王之媵也。王登臺臨後宮。宮

人皆仰視。瞽直行不顧。王曰：行者顧吾與汝千金。不顧。又曰：顧吾以汝爲夫人。不顧。又曰：顧吾封汝父兄。亦不顧。於是王下臺而問曰：夫人重位也。千金厚利也。一顧可得而竟不顧。何也？瞽曰：妾聞婦人以端顏正體爲容。大王在臺上而妾顧。是犯禮也。告以夫人之尊。示以千金之重。而妾顧。是貪利也。犯禮而貪利。何以事王？王曰：善。遂立以爲夫人。

瞽音茂

右第二十五章

○莊姜齊女也。始歸于衛。操行衰情。心泆治  
容。其傅母誠之曰。子之家。世世尊榮。當為民  
法。則子之質。聰達於事。當為入表式。儀貌壯  
麗。不可不自脩整。衣錦綉裳。飾在輿馬。是不  
貴德也。節○行去聲 衣去聲莊姜美而無子。衛人為

之賦。碩人其詩曰。碩人其頰。衣錦褰衣。齊侯  
之子。衛侯之妻。又曰。手如柔荑。膚如凝脂。領  
如蝤蛸。齒如瓠犀。螓首蛾眉。巧笑倩兮。美目

盼兮。為去聲 頰音祈 衣錦之  
衣去聲 褰音耿 莢音題

右第二十六章。

○漢馬皇后素嫉浮華。不喜出入觀遊。不好音樂。平居未嘗臨御窓。未嘗與侍御者私語。明帝時幸苑囿離宮。后鮮有從之者。因陳風邪霧露之戒。辭意甚備。帝嘉納焉。好去聲

右第二十七章。

○鄧皇后爲貴人時。儉素謙讓。動有法度。諸姬競自脩飾。鄧氏獨着素裝。其衣有與陰后同色者。卽解易。若並時進見。則不敢正坐離

立行則僂身自卑。帝每有所問。常逡巡後對。不敢先陰后言。後數年。陰后以巫蠱事廢。鄧氏請救。不能得。帝便屬意焉。未幾。立爲后。

右第二十八章。

○唐萬壽公主。起居郎鄭顥妻也。顥弟頤。嘗得危疾。帝遣使視之。還問公主何在。曰。在慈恩寺觀戲場。帝怒。嘆曰。我怪士大夫家。不欲與我家爲婚。良有以也。急召公主責之。曰。豈有小郎病不往省視。乃觀戲乎。由是貴戚皆



守禮法。如衣冠之族。使去聲論曰。今之婦人。未

有不觀戲者。不惟觀之。且深嗜篤好。而必欲

觀之。或多方以求。或聯袂而往。此蕩心佚志

之端。無益有損之事也。可不戒哉。好去聲

右第二十九章。

○柳公綽夫人韓氏。相國休曾孫。相國臯之

女也。歸柳氏三年。無少長。未嘗見其啓齒。常

衣絹素。不用綾羅錦繡。每歸覲。不乘金碧輿。

祇乘竹兜子。二青衣步履以隨。相俱去聲。少去聲。長上聲。

衣去聲。絹吉勸。

切。兜當侯切。

右第三十章。

○宋信國長公主。神宗女也。下嫁潘意。潘故大族。夫黨數十百人。賓接皆盡禮。平居志尚冲澹。服玩不為紛華。歲時簡嬉遊。十年間惟一適西池而已。長上聲。已音以。

右第三十一章。

○程母侯氏。幼聰慧。諸女事不學而能。七歲時。女師教以古詩。曰。女子不夜出。夜出乘明。

燭自是日暮不復出房閣。

復扶又切

右第三十二章。

○列女傳曰。古者婦人妊子。寢不側。坐不邊。立不蹠。不食邪味。割不正不食。席不正不坐。目不視邪色。耳不聽淫聲。夜則令瞽誦詩。道正事。如此則生子形容端正。才德必過人矣。  
節。傳去聲。蹠音必。妊子之時。必慎所感。感于善則善。感于惡則惡。人生而肖父母者。皆其母感于物。故形音肖之。

右第三十三章。人子之生。多肖父母。性情形貌。大約不甚懸絕。然而爲善爲惡。或有不齊者。則於妊子之時。所感異也。望子以聖賢。莫若先胎教。述妊子之容。自此以下凡五章。

○青史氏之記曰。古者胎教之道。王后有身之七月。而就寢室。太師持銅而御戶左。太宰持斗而御戶右。太卜持蓍龜而御堂下。諸官各以其職。御于門內。此三月者。王后所求聲。

音非正樂則太師撫樂而稱不習。所求滋味非正味。則太宰荷斗而不敢煎調。而曰不敢以待王太子。太子生而泣。太師吹銅曰。聲中某律。太宰曰。滋味尚某。太卜曰。命云某。然後爲王太子懸弧之禮。義卜王太子名。上毋取乎天。下毋取乎地。中毋取乎名山通谷。毋悖于鄉俗。是故君子名難知而易諱也。此所以養息之道也。

荷去聲聲中之中去  
養毋俱音無易音異

○內以右第三十四章。

○內則曰。妻將生子。及月辰。居側室。夫使人  
日再問之。作而自問之。妻不敢見。使姆衣服  
而對。至於子生。夫又使人日再問之。夫齊。則  
不入側室之門。子生。男子設弧於門左。女子  
設帨于門右。見音現復扶  
又切齊音齋

右第三十五章

○太任。文王之母。摯任氏之申女也。王季娶  
以爲妃。太任之性。端一誠莊。惟德之行。及其  
娠文王。日不視邪色。耳不聽淫聲。口不出穢

言。生文王而明聖。太任教之以一而識百。卒  
爲周宗。君子謂太任爲能胎教。任俱音壬  
敖音傲

右第三十六章。

○武王后邑姜。太公之女也。妊成王於身。立  
而不跛。坐而不差。笑而不諠。獨處而不倨。雖  
怒而不詈。胎教之謂也。跛補  
火切

右第三十七章。

○司馬溫公曰。父母之喪。中門外擇撲陋之  
室。爲丈夫喪次。斬衰寢苦枕塊。不脫經帶。不

與人坐焉。婦人次於中門之內。別室撤去帷帳。衾褥華麗之物。男子無故不入中門。婦人不得輒至。男子喪次。苦尸 唐切

右第三十八章。喪重事也。三年之喪。終天大痛。當變易常度。以悲哀為主。不可對人歡笑。諧謔宴樂。記曰。喪容纍纍。其是之謂乎。期功之喪。以次遞降。但素服不為華飾而已。近世以來。鮮盡喪禮。雜頽風於閭內。亦仁孝子



婦之心不能自己者爾。述居喪之容。

自此以下十六章。

樂音洛已  
俱音以

○禮曰。擗踊哀之至也。有筭為之節文也。袒括髮變也。慍哀之變也。去飾去美也。袒括髮去飾之甚也。有所袒有所襲哀之節也。

右第三十九章。

○南宮縚之妻之姑之喪。夫子誨之髻。曰。爾毋從從爾爾。毋扈扈爾。蓋榛以為笄。長尺而

總八寸。

髻職瓜切音搗  
毋音無從音聳

右第四十章

○喪大記曰。婦人迎客送客。不下堂。

右第四十一章

○雜記曰。凡婦人從其夫之爵位。

右第四十二章

○雜記曰。嫂不撫叔。叔不撫嫂。

右第四十三章

○禮曰。喪服。兄弟之子猶子也。蓋引而進之也。嫂叔之無服也。蓋推而遠之也。姑姊妹之

薄也。蓋有受我而厚之者也。

遠去聲

右第四十四章

○坊記曰寡婦不夜哭。

右第四十五章

○穆伯之喪。敬姜晝哭。文伯之喪。晝夜哭。孔

子曰。知禮矣。

右第四十六章

○季康子之母死。陳襄衣。敬姜曰。婦人不飾。

不敢見舅姑。將有四方之賓來。襄衣何為陳

於斯命徹之。徹音撤

右第四十七章。

○杞梁之妻。齊女也。齊莊公襲莒。梁戰而死。妻迎其柩於路而哭之哀。公使人弔之。辭曰。君之臣不免於罪。則將肆諸市朝。而妻妾執君之臣。免於罪。則有先人之敝廬在。君無所辱命。於是莊公乃詣其室。成禮。然後去。梁無子。內外無五屬之親。妻枕其屍於城下而哭。城爲之崩。既葬。遂赴淄水而死。朝音潮。爲去聲。

右第四十八章。

○夏侯孝女。滑州胙城人也。父沒。毀不勝喪。被髮徒跣。身負土作墳。廬其左。寒不綿纊。日一食者三年。詔賜粟帛。表其門。勝平聲

右第四十九章。

○楊含妻蕭氏。父歷爲撫州長史。卒于官。母繼之。蕭年十六。與幼弟皆毀瘠。載二喪還鄉。貧不能給舟傭。次宣州戰馬山。舟子委柩去。蕭結廬水濱。與婢穿墻。納棺成墳。蔭松柏。朝

夕哭臨長老爲立廬舍。進粟縑助之。喪滿不釋縑。人高其行。來請婚。蕭氏曰。有爲我致二柩歸葬故土。請事之矣。時楊含以高安尉罷歸。請如約。納采焉。蕭許如約。辭其幣。含爲致喪還葬。葬訖。乃釋服歸焉。長俱上聲。蔣音時。縑音兼。行去聲。

右第五十章

○崔氏。鄭誠妻。善果母也。誠戰死。崔二十而寡。不御脂粉。常服大練。非祭祀賓客之事。酒肉不妄陳於前。靜室端居。未嘗出戶。內外姻

戚有吉凶。但厚加遺贈。皆不詣其門。

右第五十一章

○宋荆國長公主。太宗女也。下嫁李遵勗。及遵勗守許州。有疾。主亟往視。不待奏而行。從者止五六人。居夫喪。衰麻未嘗去身。服除不復御鮮華。嘗宴禁中。仁宗親爲簪花。主辭曰。自誓不復爲此久矣。長上聲。從去聲。鮮平聲。復扶又切。

右第五十二章

○臨汝侯惟和夫人馮氏。孝謹柔明。動不踰

禮侯卒。以未亡人自處。菲衣蔬食。居處肅嚴。雖家人亦罕見其面云。食音嗣

右第五十三章

○趙昂妻王氏女也。昂為姜道令。王獨留家。會同郡梁雙反。攻西城破之。王恐為所侵。乃以溷涅麻而被之。藪食瘠形。自為不潔。免于難。藪蘇典切。難去聲。

右第五十四章。婦人當亂世。所憂不在見殺。惟懼名節難保爾。慷慨赴死。



以全清白之軀。斯爲上矣。其或未遇  
○○擄掠相率逃難。則必毀容貌。惡衣服。  
使人畏忌。不生覬覦之心。近世有以  
毒藥敷面。僞爲癩疾。盜賊莫敢相逼。  
尤保全名節之善計也。述避亂之容。  
○○自此以下凡四章。難去聲  
○睢陽王氏。趙子乙之妻也。子乙蚤死。王氏  
誓不改嫁。靖康之亂。自以年少有姿。名節難  
保。乃以堊土塗面。鬚頭散足。負姑携幼子。避

地而南。人無犯之者。流離四年。至溫陵。徙居

于莆。終身清白。少去聲。聖奇惡。崩音蓬。莆音蒲。

○第五十五章

○漢中遭賊。趙伯高死于難。妻張氏禮脩以

碧塗面。亂頭破衣。懷刃自隨。意氣決烈。賊不

迫也。終得全其名節。難去聲。

右第五十六章

○保寧韓女。年十七。元末避亂。偽為男子服

毀容垢面。混處民間。既而被擄。居兵伍。人莫

知爲女子者。從玉珍兵掠雲南。遇其叔。贖以歸。成都人稱爲韓真女。

右第五十七章。

○蔡邕女訓曰。心猶面也。是以甚致飾焉。世人咸知飾面。不知修心。面不飾。愚者謂之醜。心不修。賢者謂之惡。面醜猶可。心惡尚謂之人乎。故覽鏡拭面。則思心當潔淨。傅脂。則思心當點檢。加粉。則思心當明白。澤髮。則思心當柔順。用櫛。則思心有條理。立髻。則思心當

端正。攝髮。則思心當整肅。

右第五十八章。婦容通論也。容謂容

儀。乃動止有禮。非艷冶美麗之謂也。

服飾顏貌之際。率其日用之常。鮮潔

整齊。無俾垢穢焉可矣。然脩身在正

其心。心正則容正。端莊靜一。淑慎爾

儀。雖宿瘤無鹽。吾未見其醜也。述婦

容通論。凡四章。鮮平聲

○張華女史箴曰。美者自美。禍以取尤。冶容

求好。君子所讐。結恩而絕。職此之由。

論語集注 右第五十九章。爾其具素。爾其為。

○裴頡女史箴曰。膏不厭鮮。水不厭清。玉不

厭潔。蘭不厭馨。爾形信直。影亦不曲。爾聲信

清。響亦不濁。綠衣雖多。無貴于色。邪徑雖利。

無尚于直。春華雖美。期于秋實。冰瑩雖澤。期

于見日。浴者振衣。沐者彈冠。人知正服。莫知

行端。服美動目。行美動神。天道祐順。常與吉

人。鮮平聲。頡吾鬼切。行俱去聲。

右第六十章

○橫渠女戒曰。婦道之常。順惟厥正。是曰天  
明。是其帝命。嘉爾婉婉。克安爾親。往之女家。  
克施克執。爾順惟何。無違夫子。無然臯臯。無  
然訛訛。彼是而違。爾焉作非。彼舊而革。爾焉  
作儀。惟非惟儀。女生則戒。王姬肅雝。酒食是  
議。貽爾五物。以銘爾心。錫爾佩巾。墨子誨言。  
銅爾提匱。謹爾寶薦。玉爾奩具。素爾藻絢。枕  
爾文竹。席爾吳筦。念爾書訓。思爾退安。彼實

有室。爾勿從室。遜爾提提。爾生引逸。女音

右第六十一章。

女學卷五 終

女學卷五

三

大學章句

明德者人之所得乎天而不可離者也。此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。

此言明德之體。明德者。人之所得乎天。而不可離者也。此言明德之體。明德者。人之所得乎天。而不可離者也。



女學卷六

漳浦藍鼎元玉霖編

婦功篇

○班氏曰。婦功不必工巧過人也。專心蠶績。劬勞女紅。潔齊酒食。以奉賓客。是謂婦功。

風氣以右第一章。承首篇婦功而立言也。以

吉善動下五十六章。雜引古人之言行以明

太淑文之。行去聲

○祭義曰。古者天子諸侯。必有公桑蠶室。近

川而爲之築宮。仍有三尺。棘牆而外閉之。及  
大昕之朝。君皮弁素積。卜三宮。夫人世婦之  
吉者。使入蠶于蠶室。奉種浴于川。桑于公桑。  
風戾以食之。節。昕音歆。食音嗣。歲既單矣。世婦卒  
蠶。奉繭以示于君。遂獻繭于夫人。夫人副禕  
受之。因少牢以禮之。及良日。夫人繅三盆。手  
遂布于三宮。夫人世婦之吉者。使繅。遂朱絲  
之。玄黃之。以爲黼黻文章。服既成。君服以祀  
先王先公。敬之至也。單音殫。少去聲。繅素乃切。

右第二章古者生女三日弄之瓦磚。

以明紡績織紝為婦人所有事也。近

世婦女怠惰養安非息偃在牀則羣

聚遊戲試觀天子之后妃公侯之夫

人尚且蠶桑締絡不辭況瘁矧士民

家可自逸乎述蠶績之功自此以下。

凡十六章。況上聲。

○周禮中春詔后帥外內命婦始蠶於北郊。

以為祭服歲終則會內人之稍食稽其功事。

節○中同仲帥音

率會工外切

佐后而受獻功者。比其小

大與其麤良而賞罰之。

麤音粗

右第三章。

○月令季春命野虞毋伐桑柘。鳴鳩拂其羽。

戴勝降于桑。具曲植籩筐。后妃齊戒。親東鄉

躬桑。禁婦女毋觀。省婦使。以勸蠶事。蠶事既

登。分繭。稱絲效功。以共郊廟之服。毋有敢惰。

毋俱音無齊音齋鄉去聲稱去聲共音供

右第四章。

○祭統曰。天子親耕於南郊。以共齊盛。王后蠶於北郊。以共純服。諸侯耕於東郊。亦以共齊盛。夫人蠶於北郊。以共冕服。天子諸侯。非莫耕也。王后夫人。非莫蠶也。身致其誠信。誠信之謂盡。盡之謂敬。敬盡然後可以事神明。此祭之道也。共俱音供齊俱音咨盛俱音成

右第五章。

○孟子曰。五畝之宅。樹牆下以桑。匹婦蠶之。則老者足以衣帛矣。五母雞。二母彘。無失其

時。老者足以無失肉矣。衣去聲

右第六章。

○管子曰。女有常事。一女不織。民有寒者。

右第七章。

○周禮內宰以陰禮教六宮。以陰禮教九嬪。以婦職之法教九御。使各有屬。以作二事。正其服。禁其奇衰。展其功緒。斜 衰音

右第八章。

○書太傅曰。男三十而娶。女二十而嫁。通乎

織紵紡績之事。黼黻文章之美。不若是。則上無以孝于舅姑。而下無以事夫養子。傳去聲

右第九章。

○詩曰。摻摻女手。可以縫裳。又曰。婦無公事。休其蠶織。摻音織

右第十章。

○文王后妃。貴而能勤。賢而能儉。旣成絺綌。爰賦葛覃之詩。其詞曰。葛之覃兮。施于中谷。維葉萋萋。黃鳥于飛。集于灌木。其鳴喈喈。次

章曰。葛之覃兮。施于中谷。維葉莫莫。是刈是  
穫。爲絺爲綌。服之無斁。施俱音異  
莫俱音茂

右第十一章

○七月之詩。周公教成王也。其次章曰。七月  
流火。九月授衣。春日載陽。有鳴倉庚。女執懿  
筐。遵彼微行。爰求柔桑。春日遲遲。采蘩祁祁。  
女心傷悲。殆及公子同歸。其三章曰。七月流  
火。八月萑葦。蠶月條桑。取彼斧斨。以伐遠揚。  
猗彼女桑。七月鳴鵙。八月載績。載玄載黃。我



朱孔揚爲公子裳。

行音杭新音  
槍賜音決

右第十二章。

○公父文伯退朝。朝其母。其母方績。文伯曰。以歎之家。而主猶績。懼于季孫之怒也。其以歎爲不能事主乎。其母嘆曰。魯其亡乎。使僮子備官。而未之聞邪。居。吾語汝。昔聖王之處民也。擇瘠土而處之。勞其民而用之。故長王天下。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠

土之民。莫不嚮義。勞也。是故。天子大采朝日。與三公九卿。祖識地德。日中考政。與百官之政事。師尹惟旅。牧相宣序民事。少采夕月。與太史司載。糾虔天刑。日入監九御。使潔奉禘郊之粢盛。而後卽安。諸侯朝脩天子之業命。晝考其國職。夕省其典刑。夜儆百工。使無惰淫。而後卽安。卿大夫朝考其職。晝講其庶政。夕序其業。夜庀其家事。而後卽安。士朝而受業。晝而講貫。夕而習復。夜而計過。無憾而後

卽安。自庶人以下。明而動。晦而休。無日以怠。  
王后親織玄紉。公侯之夫人。加之以紘纒。卿  
之內子。爲大帶。命婦成祭服。列士之妻。加之  
以朝服。自庶士以下。皆衣其夫。社而賦事。烝  
而獻功。男女效績。愆則有辟。古之制也。君子  
勞心。小人勞力。先王之訓也。自上以下。誰敢  
淫心。舍力。今我寡也。爾又在下位。朝夕處事。  
猶恐忘先人之業。況有怠惰。其何以避辟。吾  
冀而朝夕脩我。曰。必無廢先人。爾今日胡不

自安。以是承君之官。余懼穆伯之絕祀也。仲

尼聞之曰。弟子識之。季氏之婦不淫矣。父上聲退

朝朝母朝日朝服之朝俱音潮餘如字歆昌

六切邪音耶長王之王音旺相去聲少去聲

盛音成統丁坎切絃音弘經音延

舍音捨冀而之而音汝識音至

### 右第十三章。

○采葛婦者。越人也。越王自吳還國。勞身苦

心。懸膽于戶。出入嘗之。知吳王好服。使國中

男女入山采葛。作黃絲布以獻之。吳王悅。乃

增越之封。賜羽毛之飾。几杖。諸侯之服。采葛

之婦傷越王之用心苦。乃作詩以道其意。其  
詞曰。葛不連蔓。藜台台。我君心苦。命更之。嘗  
膽不苦。甘如飴。令我采葛以作絲。女工織兮。  
不敢遲。弱於羅兮。輕罪罪。號絺素兮。將獻之。  
越王悅兮。忘罪除。吳王歡兮。飛尺書。增封益  
地。賜羽奇。几杖茵褥。諸侯儀。羣臣拜舞。天顏  
舒。我王何憂。能不移。好去聲

右第十四章。

○徐吾。齊賢女也。勤于女紅。家貧無油。每依

鄰婦燭光夜績。月久鄰婦不許。徐吾曰。一室之中多一人。燭不爲益。暗少一人。燭不爲益。明。何愛東壁餘光。不使貧妾蒙惠。鄰婦大慙。莫之能答。復與合績。紅音工爲去聲復扶又切我聽天聽

越王劍右第十五章。王燭公派只書曾挂益

○鄭善果母崔氏。二十而寡。固守不嫁。善果以父死王事。封開封縣公。尋出爲刺史。母居恒紡績。逮夜分方寢。善果跪請曰。秩俸辛克。何自苦如此。母曰。吾謂汝知天下理。今聞此

言公事何由濟乎。夫秩俸乃天子以報汝先  
人者也。當散贍六姻。為先君之惠。奈何獨擅  
其利。且絲枲紡績。婦人之務。自王后及大夫  
士妻。若墮業者。是為驕逸。吾雖不知禮。其可  
自敗名乎。泉音

○諸曰右第十六章。

○明馬皇后常從太祖在軍。手緝衣履以給  
將士。及正尊位。率內外命婦。親蠶于北郊。以  
為祭祀衣服。后性儉。每製衣。餘帛為巾禠。以

賜諸王公主。曰。生長富貴。當令知蠶桑之

易。為天地惜物力也。將去聲。長上聲。易音異。為天地之為去聲。

○詩曰。乃生女子。載寢之地。載衣之褐。載弄

之瓦。無非無儀。惟酒食是議。無父母詒。惟節

去聲。孔子曰。教令不出閨門。事在饋食之間

而已矣。已音以。

右第十八章。婦人為中饋之主。司酒

食焉而已。烹飪必親。米鹽必課。無得

...



養尊處優。專委其權於婢僕。則豐儉  
有節。於家計無漏卮。於待人不失禮。  
是持家之要道也。世有鄙吝性成。計  
較纖悉。甚或但知自奉。而以濫惡應  
賓。斯又不足言矣。述中饋之功。自此  
以下。凡十三章。已音

○曲禮曰。納女於天子曰備百姓。於國君曰  
備酒漿。於大夫曰備掃灑。

右第十九章。

○易曰。无攸遂。在中饋。貞吉。象曰。六二之吉。順以巽也。无與無同

○曲禮右第二十章。

○許氏曰。主婦職在中饋。烹飪必親。米鹽必課。勿離竈前。離去聲

右第二十一章。

○顏氏家訓曰。婦主中饋。惟事酒食衣服之禮耳。國不可使預政。家不可使幹蠱。如有聰明才智。識達古今。正當佐輔君子。勸其不足。

必無牝雞晨鳴。以致禍也。

右第二十二章。

○詩曰。籟彼南畝。田峻至喜。又曰。或來瞻女。

載筐及筥。其饌伊黍。

女音汝。饌尸羊切。

右第二十三章。

○詩曰。就其深矣。方之舟之。就其淺矣。沫之。

游之。何有何亡。黽勉求之。凡民有喪。匍匐救

之。又曰。我有旨蓄。亦以御冬。

亡音無。御音禦。

右第二十四章。

○孟子處齊而有憂色。母問之。對曰。道不行於齊。欲去而母老。是以憂也。母曰。婦人之禮。精五飯。寡酒漿。養舅姑。縫衣裳而已。有閨內之脩。無境外之志。易曰。无攸遂。在中饋。詩曰。無非無儀。惟酒食是議。言婦人無專制之義。而有三從之道也。今子成人。而我老矣。子行乎子義。吾行乎吾禮。何以憂爲。寡音覓。養去聲。已音以。

右第二十五章。

○陸續之母。治家有法。續爲太守尹興門下。

椽時。楚王英謀反。事連續。繫洛陽。詔獄。母自  
吳達洛陽。無緣見續。但作食饋之。續對食。悲  
泣不自勝。使者問故。續曰。母來不得相見。是  
以悲耳。問何由知之。續曰。此食。母所餉也。吾  
母切肉未嘗不方。斷葱以寸爲度。是以知之。  
便者以聞。特赦之。守去聲。勝平聲。使俱去聲。斷都管切。

右第二十六章。

○陶侃母湛氏。豫章新淦人也。侃生而貧賤。  
湛氏每紡績資給之。使交結勝已者。賓至輒

欵延不厭。一日大雪。孝廉范遠寓宿焉。湛氏乃徹所臥草薦。自剉給其馬。又密截髮賣與鄰人。以供餽饌。後遠聞之。嘆曰。非此母不生此子。侃竟以功名顯。滄音紺徹音撤剉千臥切

右第二十七章

○周顛母李氏。字絡秀。少處室。顛父安東將軍浚。出獵遇雨。就其家止焉。秀聞客至。獨與一婢入厨下烹宰。立具十數人之饌。甚精腆。寂不聞人聲。浚怪而覘之。大喜。歸遣吏詣其

父聘為側室。生三子。長顛。次嵩。次謨。並皆貴。

顛音愷。少去聲。規職謙切。長上聲。

右第二十八章。

○羅夫人。楊萬里妻也。萬里轉運江東。子為帥。尊重矣。每寒月黎明。夫人即起。詣厨下。躬作粥。召臧獲女。使徧食之。曰。天甚寒。須使其腹中有火氣。乃堪役使耳。其子聞之。曰。是賤事。夫人老而親之。無乃為逆施乎。夫人怒曰。若言如此。其必不遠矣。賤物貴我。勞人自逸。

天道所不右也。守吳迎就養。時年八十餘。於郡圃中種苧。躬紡績不懈。平居服飾無華麗。生四子三女。畢自乳。曰。饑人之子。哺其子。吾不忍爲也。養去聲。苧音紵。

右第二十九章。

○明太祖時。羣臣朝罷。會食廷中。馬皇后命。中宮取其飲食。親嘗之。滋味涼薄。不自謂。帝曰。朝廷用天祿。以養天下之賢。故自奉欲其薄。養賢欲其豐。今之典大烹者。不能輯其下。



人惟奉上者甘旨。羣臣飲食皆不得其味。豈

陛下養賢之意乎。節。朝俱音潮。養俱去聲。后事太祖。

凡御膳必躬親省視。宮人請曰。宮中人衆無

煩聖體。后曰。吾固知宮中有人。但婦人事夫。

不可不謹。膳羞上進。不可不蠲潔。脫有不至。

汝輩受責。吾心豈安。吾所以爲此者。一以敬

上而不敢忽。一以保汝輩免於責也。宮人聞

之莫不感悅。獨音涓。論曰。自奉欲其薄。養賢欲

其豐。二語甚善。自天子以至庶人。皆當遵行。

者也。事夫不可不謹。膳羞上進。不可不蠲潔。皇后之尊。尚且小心。若是。爲士民之妻者。宜何如乾惕歟。養去聲

右第三十章

○內則曰。婦事舅姑。如事父母。冠帶垢。和灰請漱。衣裳垢。和灰請澣。衣裳綻裂。紉箴請補。綴五日。則燂湯請浴。三日具沐。其間面垢燂。潘請澣。足垢燂湯請洗。少事長。賤事貴。共帥

時節

○縱丈諫切。燂詳廉切。潘音翻。時節。音梅。少去聲。長上聲。帥音率。

父母舅

姑將坐。奉席請何鄉。將社。長者奉席。請何鄉。  
少者執牀與坐。御者舉几。斂席與簞。縣衾篋  
枕。斂篋而擲之。父母舅姑之衣衾。簞席枕几。  
不傳杖屨。祇敬之。勿敢近。敦牟卮匱。非餽莫  
敢用。與恒食飲。非餽莫之敢飲食。奉俱上聲  
鄉去聲長

上聲少去聲縣平聲禰音  
獨敦音對卮音支匱音移

右第三十一章。娶婦所以奉養舅姑。

晨昏定省。服勤趨事。固其常也。然必  
常存愛日之心。起敬起孝。無時倦怠。

未寒而爲之衣。方饑而爲之食。若慈  
母之育嬰兒。嗜好起居。不待詔告。斯  
可謂能養矣。述奉養之功。自此以下

凡五章。

養俱去聲  
好去聲

○廣漢姜詩妻。同郡龐盛之女也。詩事母孝。  
妻事姑尤謹。母好飲江水。妻常泝流而汲。後  
值風。不時得還。詩見母渴。責妻而去之。妻乃  
寄止鄰舍。晝夜紡績。市珍羞。使鄰母時時以  
意自遺。其姑久而姑怪之。鄰母以實對。姑感

而慙乃卽呼還姑嗜魚膾又不能獨食呼鄰  
母共食詩夫婦常力作供膾後舍側忽湧甘  
泉味如江水泉中旦出雙鯉以供人以爲孝  
感。好去聲

右第三十二章

○閨人氏俞新妻也夫死不嫁事姑孝姑病  
風失明聞人手滌溷穢時時舐其目目爲復  
明。舐師止切

右第三十三章

○趙孝婦者。德安應城人也。早寡。事姑孝。家貧。傭織。市美食以奉姑。服勤不懈。念姑老。卒不諱。無從得棺斂。鬻其子富家。買棺預治之。會鄰居火。風烈。且及孝婦家。婦亟扶姑出避。而棺重不可移。乃拊膺慟哭。呼天反風。風忽變。棺得不燬。人以爲孝感云。

右第三十四章。

○庾袞之兄蚤世。遺孤女曰芳。袞撫育之。芳長將嫁。美服具矣。袞刈荆茗。爲箕帚焉。召諸

子集于堂。男女以班。而命芳曰。汝芳少孤。今  
汝適人。將事舅姑。灑掃庭內。婦人之道也。故  
賜汝以此匪器之美。欲汝之溫恭朝夕。雖休  
勿休也。長上聲  
少去聲

右第三十五章。

○祭統曰。夫祭也者。必夫婦親之。所以備外  
內之官也。官備則具備。節及時將祭。夫人亦  
散齋七日。致齋三日。若致齋于外。夫人致齋  
于內。然後會于太廟。君純冕立于阼。夫人副

禘立于東房。君執圭瓚裸尸。太宗執璋瓚亞  
裸。及迎牲，君執紉。卿大夫從。士執芻。宗婦執  
盎從。夫人薦浼水。君執鸞刀羞嚌。夫人薦豆。  
此之謂夫婦親之。

齊俱音齊 裸音貫  
浼音稅 嚌音劑

右第三十六章。魯哀公問冕而親迎，  
不已重乎。孔子對曰：將以爲天地宗  
廟社稷之主。君何謂已重乎。祭統曰：  
既內自盡，又外求助。故國君取夫人  
之辭曰：請君之玉女，與寡人共有。敝



其夫人

邑事宗廟社稷。由是觀之。娶妻以奉

大夫贊

祭祀。人生之大本也。自后妃以至士

全忠

庶人之妻。雖貴賤不同。而報本追遠。

人東

其道則一。盡物盡志。以致愛敬之思。

西北

誰獨非人情哉。述祭祀之功。自此以

五東

下凡六章。迎去聲已俱音以取去聲

○明堂位曰。君卷冕立于阼。夫人副禕立于

房中。君肉袒迎牲于門。夫人薦豆籩。卿大夫

贊君。命婦贊夫人。卷音

右第三十七章。

○禮器曰。天道至教。聖人至德。廟堂之上。罍尊在阼。犧尊在西。廟堂之下。縣鼓在西。應鼓在東。君在阼。夫人在房。大明生于東。月生于西。此陰陽之分。夫婦之位也。君西酌犧象。夫人東酌罍尊。禮交動乎上。樂交應乎下。和之至也。節。縣平聲。分去聲。太廟之內敬矣。君親牽牲。大夫贊幣而從。君親制祭。夫人薦盎。君親割牲。夫人薦酒。卿大夫從君。命婦從夫人。洞洞

乎其敬也。屬屬乎其忠也。勿勿乎其欲其饗之也。  
屬俱音燭

右第三十八章。

○周禮世婦掌祭祀賓客喪紀之事。帥女宮而濯。概為盥盛。及祭之日。涖陳女宮之具。凡

內羞之物。  
帥音率。概音戲。盥同。染盛平聲。

右第三十九章。

○南國夫人能盡誠敬以奉祭祀。家人美之為賦。采芣之詩。其詩曰。于以采芣。于沼于沚。

于以用之。公侯之事。次章曰。于以采蘋。于澗之中。于以用之。公侯之宮。三章曰。被之僮僮。夙夜在公。被之祁祁。薄言還歸。還音旋

右第四十章。

○采蘋。美大夫妻能奉祭祀也。其詩曰。于以采蘋。南澗之濱。于以采藻。于彼行潦。次章曰。于以盛之。維筐及筥。于以湘之。維錡及釜。三章曰。于以奠之。宗室牖下。誰其尸之。有齊季

女。盛音成

齊音齋

右第四十一章

○班氏曰。今之君子。徒知妻婦之不可不御。威儀之不可不整。故訓其男。檢以書傳。殊不知夫主之不可不事。禮義之不可不存也。但教男而不教女。不亦蔽於彼此之數乎。禮八歲始教之書。十五而志於學矣。獨不可依此以爲則哉。傳去聲

右第四十二章。婦人終老深閨。女紅之外。別無事業。然耳目見聞。不能及

遠則讀書明理。其大要矣。學乃能變化氣質。非呶唔文章。咏物寫情之謂也。若通經學古。著書垂訓。有關名教甚大。則君子貴之矣。述學問之功。自此以下凡十章。

○呂氏曰。今人養女多不教。讀書認字。蓋亦防微杜漸之意。然女之貞淫。却不在此。果教以正道。令知道理。如孝經列女傳。女訓女誠之類。不可不熟讀明講。使他心上開朗。亦闡

教之不可少者。傳去聲

右第四十三章。

○曹大家。姓班氏。名昭。字惠姬。扶風曹世叔之妻。班彪之女。班固班超妹也。昭博學高才。世叔早卒。守節篤行。動有法度。兄固著漢書未就。和帝詔昭踵成之。數召入宮。令皇后貴人師事焉。號曰曹大家。昭念諸女方當適人。而不漸訓誨。不聞婦禮。恐失容他門。取恥宗族。乃作女誡七篇。使諸女各寫一通。後世誦

之。家音姑  
行去聲

右第四十四章

○宣文君宋氏太常韋逞母也。幼明慧。父授以周官。謂之曰。此經周公所制。以經紀典誥者也。吾家世業。今無男。以授汝。汝必敬受。無令此學遂絕。宋日諷誦。研精不輟。石虎徙民實山東。宋與夫推鹿車就徙。而背負所授經。至冀州。依富人程安壽。晝山樵採。夜授子經。以紡績佐讀。逞遂成學。秦王堅憫禮樂廢缺。



博求通周官有師法者。博士盧壺對曰。學殖  
久廢。禮師法盡矣。太常韋逞母宋。傳其父業。  
精周官。今年八十。視聽無闕。非此母。無足授  
此經者。於是詔就宋氏立講堂。置生徒百二  
十人。設絳紗幔。坐其中講業。賜號宣文君。周  
官學復行於世。宣文君之力也。壺音惻復  
扶又切

右第四十五章

○唐太宗長孫皇后。嘗採自古婦人得失事。  
爲女則三十卷。及崩。宮司奏之。帝覽之悲慟。

示近臣曰。皇后此書。足以垂範萬世。朕非不知天命。而爲無益之悲。但入宮不復聞規諫之言。失一良佐。故不能忘懷耳。長上聲復扶又切

右第四十六章

○唐朝散郎陳邈妻鄭氏。博學宏才。念姪女爲永王妃。恐其未聞詩禮。乃述經史正義。爲女孝經十八章。表獻于朝。以戒之。鄭之言曰。上自皇后。下及庶人。不行孝而成名者。未之聞也。妾不敢自專。因以曹大家爲主。雖不足

藏之巖石。亦可以少補閨庭。天子納其書。大

喜。命頒行于世。

朝音潮  
家音姑

右第四十七章

○貝州朱氏五女。長若華。次若昭。次若倫。若  
憲。若旬。皆警慧。善屬文。欲以學名家。若華著  
女論語。以教訓天下女子。若昭傳釋之。貞元  
中。李抱真表其才。德宗召入禁中。呼為學士。  
若昭尤通練。歷憲宗。穆宗。敬宗三朝。皆待以

師禮。卒贈梁國夫人。

長上聲  
朝音潮

右第四十八章

○明徐皇后者。魏國公徐達女也。病女教未  
有全書。比之欲渡罔津。成舟失斧。乃於永樂  
二年冬。備述內庭。著內訓一書。始之以養德  
性。終之以待外戚。使宮闈肅清。永垂令範。年  
四十六卒。諡曰仁孝。樂音

右第四十九年

○竇滔妻蘇氏。名蕙。字若蘭。符秦時。滔爲安  
南將軍。鎮襄陽。携愛妾陽臺之任。不與蘇俱。

蘇織錦爲迴文詩寄焉。五采相宣，瑩心耀目。其錦縱廣八寸。計字八百有奇。爲詩三十餘首。縱橫反覆，皆成文章。辭甚凄惋，點畫無缺。才情之妙，冠絕古今。名曰璇璣圖。滔感而迎之。恩好愈篤。冠去聲。好去聲。論曰：蘇氏璇璣圖，非有關名教者也。故其詩不錄。然以八寸之錦，織字八百有奇，縱橫反覆，皆成文章，可謂絕世奇才矣。名自不可沒也。

右第五十章。

○汴人孫蕙蘭。六歲喪母。父教以詩書。高朗秀慧。詩詞清雅。每有所作。輒毀其稿。家人勸之。則曰。偶適情耳。女子當習女紅。織紵組紃。以致其孝敬。詞翰非所事也。喪去聲 紅音公 紵音任 紃音旬論曰。女子讀書。但欲其明道理。養德性。詩詞浮華。多爲吟咏無益也。必有功名教之書。乃許論著。不然。則寧習女紅而已矣。孫蕙蘭之

之言。善夫。

已音以 夫音扶

右第五十一章

○內則曰。女子十年不出。姆教婉婉聽從。執麻枲。治絲繭。織紝組紃。學女事。以共衣服。觀于祭祀。納酒漿籩豆。菹醢。禮相助奠。姆音茂。媿音晚。

枲音徒。共音供。相去聲。

右第五十二章。婦功通論也。功與工同。謂婦人所有事爾。非功德之謂也。婦功不必工巧過人。惟勤勞所事而已矣。文王后妃。貴而能勤。敬姜曰。勞則思。思則善心生。勤勞者。古今婦人

修身治家之大要也。凡爲女子。懋哉。

懋哉。述婦功通論。凡五章。已音以

○季康子問於公。父文伯之母曰。主亦有以語肥也。對曰。吾能老而已。何以語子。康子曰。雖然。肥願有聞於主。對曰。吾聞之先姑曰。君子能勞。後世有繼。子夏聞之曰。善哉。商聞古之嫁者。不及舅姑。謂之不幸。夫婦學於舅姑者也。父上聲已音以夫音扶



○方氏曰。晉書論其風俗淫僻。婦女莊櫛。絳  
纓。皆取成於婢僕。未嘗知女紅絲枲之業。中  
饋酒食之事。夫此閨中細務耳。而以爲關係  
天下亂亡之由。胡可忽也。

右第五十四章。

○昏義曰。古者天子后立六宮。三夫人。九嬪。  
二十七世婦。八十一御妻。以聽天下之言。治  
以明章婦順。故天下內和而家理。故曰人子  
聽男教。后聽女順。天子理陽道。后治陰德。天

子聽外治。后聽內職。教順成俗。外內和順。國  
家理治。此之謂盛德。節是故男教不脩。陽事  
不得。適見於天。日爲之食。婦順不脩。陰事不  
得。適見於天。月爲之食。是故日食則天子素  
服。而脩六官之職。蕩天下之陽事。月食則后  
素服。而脩六宮之職。蕩天下之陰事。故天子  
之與后。猶日之與月。陰之與陽。相瀆而後成  
者也。天子脩男教。父道也。后脩女順。母道也。  
故曰天子之與后。猶父之與母也。

適同。謫見  
俱音現。

右第五十五章。

○周禮。生春詔王后帥六宮之人。而生種稷

之種。而獻之於王。

節○帥音率種音同種音六

九嬪掌婦

學之法。以教九御。婦德。婦言。婦容。婦功。各帥

其屬。而以時叙御於王所。

帥音率

右第五十六章。學記曰。玉不琢不成

器。人不學。不知道。又曰。雖有嘉肴。弗

食。不知其旨也。雖有至道。弗學。不知

其善也。婦人。生長閨中。隨人。苦樂已

耳。寧知人之所以爲人。尚有無窮道理乎。四時備而後成歲。天之道也。四德備而後成人。婦之道也。人受天地之中以生。所由與禽獸異。而細行不檢。犬節有虧。禽獸將混而同之。是棄天。褻天。天之罪人也。天道福善而禍淫。旣已罪之。必降之罰。爭遲速耳。名教中自有樂地。古人已死千百年。而其德其言。其容其功。至今不朽。女子

不學面牆。無從而知。學則知之。知之則當倣之。此女學一書所爲著也。著婦德。正其本也。著婦言。戒其妄也。著婦容。取其端也。著婦功。欲其勤也。韓子所謂其爲道易明。其爲教易行也。其爲說愚婦之所同知。而其理聖智有所不能盡也。善讀者身體而力行之。內正其心。淑其身。宜其家人。則家可齊也。惟而放諸鄉里而準。推而放

諸千百里而準。則國治。推而放諸四海九州而準。則天下平矣。家齊國治而天下平。於以上繼關雎麟趾也何有。長上聲樂俱音洛已俱音以細行之行去聲易俱音異及俱上聲